

商南縣志第八卷

人物志 第六綱 列目十

天地精英之氣隨在而鍾其發之未盡者蓄之彌富而其流愈遠也縣自建署以來數百餘年求所謂文章勳業名顯當時者寥寥不多覩而窮簷陋巷甕牖繩樞之下庸夫愚婦往往發為特絕之行為士人所未及而其姓氏終無以自顯不知天將豐其實而嗇其聲歟抑藏精萃秀將大發於後之人歟修人物志列目十曰鄉賢曰德行曰忠義曰選舉曰仕宦曰烈女曰節婦曰軍功曰流寓曰藝術

鄉賢

商南縣志

卷八 人物目錄

西安藝林印書社代印

德行

忠義

選舉

仕宦

烈女

節婦

軍功

流寓

藝術

商南縣志第八卷

人物志

鄉賢

荀子有言壘土為山風雨興焉積水為淵蛟龍生焉邑北枕用山南帶兩河清淑磅礴之氣自代生偉人雒南觀察薛公醞云國朝誕膺景命順先王之道以覺民百年於茲雖儂佻鄙汚之俗胥歸醇厚況於近商周聖人之邦者哉明末兵燹後邑乘無存州志亦缺略足光史冊者得搜羅數人以紀其概

虞

昭 明司徒契之子居砥柱厥後復遷商 史記

商南縣志

卷八 鄉賢

西安藝林印書社代印

周

商 高黃帝之昆孫以地得姓周初封子男於商精數學周髀衍其說為算經國語曰司商 州志

秦

周 術字元通泰伯之裔稱用里先生京師謂之霸上先生修道潔己非義不動避始皇之亂偕妻沙氏子鳳翔隱城北雙峯今名用山後與夏黃公東園公綺里季友為四皓隱商洛地肺山以待天下定漢高聞而徵之不至茹紫芝以終老墓在商洛鎮州庶常周蒲壁其後也詳宋羅泌四皓辨高士傳及周氏家譜

按古碑陡嶺乃用嶺嶺之東西皆用里也

明

南 鏗成化甲辰進士吏部主事郎中陞河南左布政使以忤逆
瑾繫錦衣獄幾死後得免遷南太僕寺卿竟放歸里瑾敗屢薦
不起家居撫諸弟成立建塾以教姻族子弟布衣蔬食鄉人無
不敬愛卒賜祭葬南氏始祖由華州羅文橋遷商南成化十三
年後子孫乃居於州

西安府志今核
桃園古南莊

清

高其志號用山少著文名年二十二遊泮順治甲午舉於鄉有幹
濟才負氣節遇事直言不阿康熙戊辰任山西夏縣廉正持公
斷獄明決歸里樂善好施周恤鄉黨訓宗族割土田供各廟香

商南縣志

卷八 鄉賢

二

西安藝林印書社代印

燈今孫曾衣衿蕃衍克以忠厚世其家

德行

清

魏淑度康熙時人敦樸無華風度端嚴不隨世俗爲俯仰真士林
之矜式也

王 官字雲紀天性孝友敬謹自持六世同居遠近皆知其名

孔尚志乾隆時恩貢少孤貧母以廢疾臥床數載奉事罔懈妻劉
氏以縫紉紡績助母食母故後謂其妻曰我不發憤讀書無以
對老母於地下由是假友人書披覽不倦遂入邑庠爲人教讀
館穀豐厚嘗謂人曰今日衣食稍足欲養二親不可得矣因之

泣下至今都人士猶稱其孝

增

俞大謨乾隆時舉人性廉介守正不阿非公事不入衙署洵屬士

林模範

李若馥乾隆時舉人文章冠一時啟迪後學勉以孝弟忠信行誼

純篤邑人咸取法焉

宣述古乾隆時優貢歷任正寧定遠縣訓導剛直節儉有古人風

經濟文章爲一邑冠歸隱後授生徒訓子弟頑廉懦立過化存

神邦人士感佩不忘爲之集傳以垂不朽

潘大勳歲貢由醴泉訓導致仕回籍適值大旱公以所蓄散給貧

商南縣志

卷八 德行

三

西安藝林印書社代印

民全活甚衆邑人德之

朱 莠嘉慶時舉人居不仕品端學粹地方公益事無不贊助

邑人稱頌至今不絕

李懷天歲貢樂善好施和睦戚里嘗謂族人曰農人沾體塗足終

歲勤勞我等家稱小康何不略施寬厚以蘇民困於是另造九

升斗收租佃戶德之子孫至今恪守成規商邑稱望族焉

祁輝祖歲貢生少負氣節尚任俠親族貧乏者時周恤之鄰里競

爭者得其一言猜嫌立釋表兄某歿後爲撫其遺孤理其產業

並教之讀書代爲擇配鄉人咸高其義

曹正江正廣昆仲均國學生持家得張公法百口同居老穉無間

言嘉慶初白蓮教匪寇秦邑侯錢公委公叔聖顏倡辦團練二公備軍餉聖顏招募鄉勇與賊戰於萬家坪賊遠竄亂平後凡陣亡者二公悉備棺收殮嘉慶十九年大饑二公捐賑銀四百兩復捐糧六百石以賑本保饑民道光十三年歲復饑公賑如前十五年蝗又捐銀三百兩交縣署爲捕蝗費邑侯胡公獎給樂善好施匾額以昭激勸

黃陽張勇而好義嘉慶二年白蓮教猖獗公團練鄉勇數百人於邑之南鄙石門卡石廟卡等處防堵賊莫敢犯又置租十餘石在本保設立義學教育貧家子弟可謂功在桑梓也

潘希濂字芙舫居豫內鄉八尺峽籍商南經濟素優抱道自重入

商南縣志

卷八 德行

四

西安藝林印書社代印

榆林太守楊公墓楊之治功卓著皆公贊助上行文件悉出公手上憲屢嘉之公之令聞益彰後公歸里建家塾置祀田思患預防先修寨堡髮賊入境人咸有恃無恐歿之日曾宮保親書此之謂大丈夫帳以旌之臨葬哭泣挽紉者以千百計誠我商偉人也

吳 欽字德傳清誥封奉政大夫少貧假資親友賈於中州屢致千金皆隨手散去無吝心鄉人有寄資偶忘及持籌自誤者皆正告而歸之如是之類不一而足公性純孝篤宗族乏者潤之拙者教之才能者掖而進之故合族子弟多賴玉成貢生嚴雲峯多閱人知臧否嘗稱公曰喜愠不形德器淵深必後人昌且

熾也後二子庚揚慶揚均登科入宦途詳選舉仕宦

齊先裕歲貢邑東鄉人其父客死山東時公年尚幼及長隨客山東者往尋父尸年餘扶柩歸其母已憂慮成疾公奉湯藥衣不解帶目不交睫者數閱月母疾卒愈宗族鄉黨咸稱其孝

潘友德邑貢生品端學博雖酷暑嚴寒手不釋卷主講青山書院循循善誘士林奉爲典型

路致祥嘉慶時人英偉有氣節讀書務明大義不汲汲於功名行止方正辭氣莊嚴親友見之皆起敬起肅如臨師保故宗門兩世之孤姻家青閨之寡皆賴維持輔成其志並爲建坊立祠表揚於不朽咸同之際辦團練修森龍寨地方賴以保全贈屏立

商南縣志

卷八 德行

五

西安藝林印書社代印

碑以垂久遠享壽八旬有六世代書香子係蕃衍有以夫

屏文
碑序

載藝
文

祁世澄號東谷歲貢生嘉慶時人甘貧食賤表潔行端與後生講學循循善誘教人先品行而後文藝嘗謂學不在根本上用功卽文章冠絕一時亦不足重身居城市非公事不至公庭殆澹臺滅明之流亞歟

田保邦字丹初邑諸生性溫良苦攻經史弱冠知名凡遇紛難必排解之尤精岐黃術咸豐初大疫公給藥調治全活者衆時飛蝗損禾稼公勸捐辦賑以濟貧民並捐金百餘權子母數年獲息甚鉅立義學培植鄉鄰子弟張別駕修武關城公與有力焉

保舉縣丞銜至今子孫昌熾語云積善之家必有餘慶信然

張世基邑南廩膳生品端學裕教授有方生徒顯達者甚多尤善持家得張公百忍法今子孫昌熾有由來矣

高 銓邑庠生質樸能文家極貧以舌代耕循循善誘嘗謂人無倫常如木無根水無源也多士景從鄉人愛慕至今猶思其德邑民趙登第性友愛無嗣撫其兄之四子不啻己出終日勤勞不敢少息其兄如有督責俯首聽命親族有患難必力爲顧恤歿後數十年邑人猶稱道不置

曹典輝守正不阿輕財好義數十年如一日至其膽略過人防堵陝南厥功甚偉

商南縣志

卷八 德行

六

西安藝林印書社代印

汪國風邑西南鄉人急公好義遇事熱心凶年捐賑團練禦匪鄉人德之

馮蘭亭字芝軒廉潔戇直好義急公咸同間辦兵差修城池團練勸賑歷著勤勞曾獎六品銜並任卹可風匾額以示表揚

高孟基字振業九歲失怙事三代孀姑曲全孝道辦公數十年修山寨立鄉保會排難解紛鄉人多利賴之幼子得暉入邑庠光緒十六年雹災仰承父志捐錢賑濟公享年八旬餘子孫蕃衍克振家聲亦盛德之報也

傅 敬字惺齋咸豐歲貢生博學能文不事進取隱居丹江之南以聖道相授受生徒濟濟有絳帳談經佳致及門廩貢二十餘

人皆名下士私淑者不一而足弟作舟子梓材振鈞均食廩祿
公壽八旬餘談笑而終鄉隣感慕送葬者以千百計

王家泰邑東人正直有氣節鄉隣有爭訟者婉言勸導皆悅服同
治元年聞髮逆將至公督率鄉人倡修人和寨賊至衆皆避亂
寨中卒無害同治三年捻匪將至復辦團練以衛地方合保生
靈賴以全活故公之義氣至今猶嘖嘖人口

田 功字農山性聰穎曠達不羈教授秦豫間從遊者以數百計
文章經濟卓然有大家風與吳西峯雲卿昆仲相友善學業亦
相頡頏惜困於鄉闈以明經終老

葉 芬字芝田恩貢生性恬淡清靜寡慾平易近人事親以孝聞

商南縣志

卷八 德行

七

西安藝林印書社代印

昆弟之間怡怡如也嘗設帳鄉里親族子弟顯達者多出其門
生平耽好經史年逾古稀猶手不釋卷誠邑南一宿儒也

朱謙益字受之性肫厚有大志少貧賈於河南荆紫關以端木術
致富光緒初大饑公糴糧賑濟擇其孤寡無依者暗給錢囑令
勿言全活甚衆十三年捐銀二千兩置田租立賓興會邑宰彭
公洵嘉其義勒碑後聞於上獎樂善好施匾又捐租二十石立
義學於河南荆關鎮捐租二十石在本保立義學邦人士送義
敦鄉校匾額立碑公所並印刷活世生機功過格擊磬錄等書
千餘部分散同人以資勸善他如宗族戚友廟宇津梁隨時補
助者不可勝紀公孝友過人親寢疾常隔日不食公亦如之親

卒居廬墓三月歸後猶哀痛不置堂弟某日以殺公爲事公友
愛益篤化於無形生子六先後入邑庠者四至今書香不替子
孫蕃衍其亦樂善好施之果報歟

碑序詳藝文

李天揚字棟臣性慷慨立品端方疎財仗義光緒初大饑公捐穀
造粥於路以飼饑者司理黃碧川聞公之名親書行道有福四
字匾額以旌之

鄔隆德邑北善士也家小康性好施舍光緒三年大饑公以家儲
餘糧盡賑貧民親鄰有假貸者與之終不責償乞丐熟悉日盈
於門公一一應付之無煩難色享年六旬餘生子五入邑庠者
文一武一其亦行善之報歟

商南縣志

卷八 德行

八

西安藝林印書社代印

璩元會字經畚邑東鄉人性篤厚尊師重道教子有方鄉里有爭
端得公一言無不解決光緒初大饑公籌賑三上飢民冊於縣
署全活無算並自賣田價二百餘串以濟親族之不足人有老
不能葬貧不能娶者出資助之無德色且捐義倉以備凶年築
山寨以防盜寇邑宰歐公聞於上獎辦公勤慎匾額急公好義
熱血滿腔鄉人至今猶稱道不置

楊秀成邑西民人公正不阿親族有過輒面斥之鄰里爭執得其
一言猜嫌立釋三代直道其在茲乎

邱永安字靜軒小康家也性慈善好施舍鄉里子弟有因貧廢學
者公甚惜之捐貲立塾後起多賴成全光緒初歲大饑公將所

收租稞除己用外盡數散諸貧民並糴穀遠方以資接濟鄉人德之

王肇基字錫之慧絕有大志困於秋闈以歲貢終然育英才正人心言行爲當世坊表晚年善小週天法恬淡寡慾清靜養神與用山隱者相伯仲生平著作有唐宋諸大家風及門諸生不忍湮沒集傳以誌其略

傳載藝文

王肇陽字聘之邑增生也忠厚孝友生數歲慈父見背家纂貧從長兄受讀入泮後設帳數十年內子姪外生徒以經學捷者甚多且重祀事凡春秋祭奠必恭且潔晚年愛讀善書手輯一部逢人勸善享年八十一子開泰開緒均廩貢

商南縣志

卷八 德行

九

西安藝林印書社代印

金禮秉性孝友溫和同治初捻匪寇商公急修山寨製炮火設備甚周匪至無害九年公兄禮揚遷皖母陳氏從之甫至而歿公聞訃哀痛幾絕遂奔皖扶櫬返葬祭盡禮公僅一子弟某傲甚婦尤悍嘗欲殺姪公一誠感格弟卒化又憫弟無子重赴皖攜兄季子歸嗣之其友愛之篤如此

潘翊宸字申甫別號用峯邑東歲貢生家纂貧而性篤厚砥節礪行好陽明二曲之學主講青山書院循循善誘有馬融風生徒發達者以百數計文章詩賦名於一時並善岐黃術全活甚衆與吳西峯相友善後爲幕賓西峯善政多資贊助卒時年近古稀門人戚黨皆感泣焉

汪泰瀛字海山邑名士也性明敏氣度從容經史而外諸子百家無不貫澈同治初兵燹餘生不求聞達隱居龍山之東講求性理酷好朱程周張及陽明二曲之道理學真傳頗有心得尤精岐黃術曾治啞症服藥後不日能言公之醫道見一斑矣

陳尚忠邑商人也性樸素愛與文人相接洽耽讀詩書終日不倦事親教子孝慈之名聞於遠近遇凶年竭力捐貲以賑貧民邑宰黃公獎給行道有福四字匾額以旌之

陳星垣性和厚有幹濟才處事明大義尊師好友始終如一光緒三年大饑公勸捐辦賑全活甚衆九年創修五保義倉十六年雨雹公盡散本保倉穀以賑饑民凡有義舉身先倡之又收賸

商南縣志

卷八 德行

十

西安藝林印書社代印

婦孤兒及殘疾無依者終身養之無德色享年八旬歿後人猶稱念不忘

汪世珍邑歲貢具肆應才地方有大事胥待決定時邑令有與同宗者遇疑難卽造廬請教輿利除弊閭邑實受其福至集勇修寨堵截得功已詳團防

劉柏森字新甫歲貢生邑名士也困於秋闈隱居教授受裁成者不下百人敦孝友尚忠直排難解紛恤災捍患尤爲鄉鄰所矜式殆所謂隱君子也

趙懷玉質樸人也言動不苟勤儉自持事繼母以孝聞光緒二十六年歲大饑勸辦賑捐日夕不遑全活甚衆撫憲獎給五品頂

戴孔子云十室之邑必有忠信於公信然

傅梓材字乙峯弟振鈞均邑廩生性孝友嘗讀孝弟篇惟恐身有未逮互相泣下振鈞病篤梓材親視湯藥廿餘日振鈞卒梓材號泣不食隔日亦卒二公乎得毋欲作泉下昆仲乎親友傷之爲之賦鵲鴿以致弔

袁萬清性剛直守正不阿光緒二十二年築城垣修官礮勤勞卓著地方實利賴之人有爭競得公一言無不立釋詩云邦之司直於公有焉

賀誠思字精一心慈言直業韓康業家僅小康而性好施舍嘗販藥河口掉舟返聞友人馬某喪妻給藥一包售以助葬光緒初

商南縣志

卷八 德行

十一

西安藝林印書社代印

饑且疫餓莩遍野公給蓆掩埋者不下百人並收丐女養之如己出親族中貧不能葬壯不能娶病不能醫者酌量助之俾得各如其願鄉里紛爭一言卽解前駐富水關劉公義之保舉守備銜鄉人感其德舉鄉飲介賓至今口碑載道焉

賀 槿字榕軒邑東人性渾厚語言簡默慷慨好施每遇荒歉必竭力賑濟歷年所施不下數千金另置一斗較市斗多容一升收租則依市斗糶糧則用此斗並廉其價鄰里有喜事必捐貲助成有訟事必排解使化甚至有氣忿太過者謂公袒護觸以惡言公不較仍息其事親族中有無聊者衣食用度一身任之無德色此善人之稱數十里無間言沒時殯葬哭聲載道其有

益於人心世道豈淺鮮哉

解宗賢歲貢生邑南鄉人性純篤好施舍光緒三年大旱赤地千里捐賑濟貧不惜巨貲二十六年又捐穀二百石散給貧民全活甚衆鄉人德之

程達人字明甫性豁達有豪爽氣輕財好善交遊極廣程少尉妻故宦囊空虛公慨助多金俾其發柩歸葬又屢以錢穀賑恤貧民人皆高其義而稱其德

周召棠字芾亭邑南歲貢品學兼優抱道自重教讀數十年成就人材頗多鄉里大小爭端必排解之不使涉訟其持身接物如此

商南縣志

卷八 德行

十二

西安藝林印書社代印

王開泰字星階歲進士少失恃事繼母張氏以孝聞品端學粹足不履城市隱居三角池善誘循循有洛下傳經之致門下生徒以數百計今年近古稀猶絳帳談經異常矍鑠昔人謂狄梁公曰桃李盡在公門若先生者足以當之

邱仁懷字壽山性溫厚光緒初水旱迭遭公捐私糧發公倉賑救生命以千數計清季變法公捐貲立學爲合邑倡邑侯臧公嘉其有功文教聞於上獎鄉飲大賓並興學垂模匾額庚子歲大旱德宗西狩公捐貲佐國餉並出賑糧百石欽加五品銜以主簿用

黃甲三字聯元丹陰正土也性剛直守正不阿疾惡如仇鄉里不

平事及無賴者公破除情面嚴詞責斥以故族黨敬畏之
陳肇順少孤貧事母至孝後業陶朱而性慷慨富室劉永炎兩次
放賑計糧數百石皆公之力光緒二十五年饑倡修富水堡城
牆聚款數千以工代賑饑民賴以無恙改革時公捐貲續修人
和寨一方保障有恃無恐至解紛排難潔己辦公猶其餘事雖
未名列膠庠亦一鄉之望也

郝席珍字聘臣邑庠生愛覽陽明象山諸籍入泮後設帳鄉里清
季稟寺莊廟產創立初級小校二處一方士子多資造就改革
後會匪猖獗公認真辦團疾惡如仇卒遇害被匪肢解素善岐
黃術患沈疴者多賴診救惜抱盧邁憾以猶子嗣焉吁天道冥

商南縣志

卷八 德行

十三

西安藝林印書社代印

冥可憑而不可憑也

邱仁榮邑西貢生性孝友少孤事母至孝母寢疾奉事惟謹及母
歿哀痛幾絕喪葬盡禮改革後兵匪蹂躪地方困難公發粟散
財西鄉一帶有利善人之稱民國六年匪氛更熾人民不能安
業公集款辦團購快槍數十枝屢與匪戰擊斃甚多由是賊莫
敢犯辦公多年勤勞卓著雖非鐵中錚錚殆亦傭中佼佼者歟
曹錫堂字選三邑南恩貢性和平寡言笑事親以孝聞設帳數十
年講改文字悉根據於韓歐諸大家淡泊明志不慕榮利今年
近古稀手不釋卷孔子曰信而好古又曰學而不厭先生有焉
曹鴻翥恩貢生字雲達弱冠知名母年八十餘晨夕定省孺慕不

衰一生崇師重道膽識素優咸豐時髮逆猖獗公料其勢將西向
倡修鳳崗寨以防之同治元年八月捻匪入境人皆遠逃公率眷
並親隣數家人寨堅守壯丁不及二十名故張聲勢以靜制動賊
不知虛實終莫敢犯後親隣知寨可恃逃入者甚多俱得保全

忠義

明

李三讓於天啟二年拒寇死入忠義祠

詳藝文孤山父子兵碑記

清

邑令盧英於康熙十五年殉難

把總王選才於康熙四十五年殉難

順孫王官於乾隆五年請建坊身後入孝弟祠

增

楊生芳字敷榮邑南鄉下九甲人例授儒林郎湖北分府嘉慶時

禦白蓮教匪死難神主人祀忠義祠子孫得世襲

商南縣志

卷八 忠義

一

西安藝林印書社代印

曹聖顏邑南義士也性剛勇膽略過人嘉慶丙辰秋白蓮教匪寇

商邑宰錢公廷琛耳其名委爲團總公募數千人教以步伐止

齊與賊屢戰於萬家坪賊終不敢犯並堅守營砦保障一方戊

午冬賊攻城急邑宰與公力戰於西門外全活生靈無算邑宰

嘉其義訂爲杵臼交詳請撫憲授迪功郎以把總職補用賊平

後隱居山南屢徵不仕嗣以積勞成疾卒於戊午之次年錢公

輓聯題有軍營誓約君能守患難交情我不忘之句讀是聯者

想見其人並詳請入邑忠義祠至今馨香勿替焉

殷大呂國學生也剛勇過人臨事不懼嘉慶二年春白蓮教作亂

公帶鄉勇與豐協鎮同剿之身先兵卒與賊屢戰惜寡不敵衆

氣餒力疲與豐同遇害鄉人傷之稟請邑宰入祀忠義祠

副官齊嵩山於民國三年二月殉難

副官桂雨泉於民國三年二月殉難

連長高永剛於民國三年二月殉難

連長王綽號拗子於民國三年二月殉難

排長戢鴻麟於民國三年二月殉難以上四官入富水關忠義祠詳戰事

忠義祠設立牌位

陝西分巡鳳邠道王公文湧之位

潼關協副將劉公之位

特授商南縣文林郎錢公廷琛之位

商南縣志

卷八 忠義

二

西安藝林印書社代印

神道嶺千總馬公之位

城守營把總馬公占熊之位

增

嘉慶二年陣亡官弁義勇牌位

東路各保義勇之位

南路各保義勇之位

金斗溝恩獎外委金公之位

森龍寨義百殷公祚九之位

南九甲廩生趙公麟之位

南九甲生員趙公秀之位

西路各保義勇之位

北路各保義勇之位

武關保民人楊公文耿之位

上九甲民人徐公時哲之位

附祀義僕及陣亡各弁勇之位

誥贈朝議大夫施公作霖之位

民國三年陣亡各官弁義勇牌位

齊公嵩山之位

桂公雨泉之位

戡公鴻麟之位

商南縣志

卷八 忠義

三

西安藝林印書社代印

王公綽號拗子之位

民國六年殉難官弁義勇牌位

二科科員胡公欽銓之位

河南前路巡防七營陸軍步兵上尉第十三連連長姜玉之位

河南前路巡防陸軍第七營十三連司務長徐鳳祥之位

河南前路巡防陸軍第七營十三連一棚正兵王發才之位

本邑西區捉馬溝保衛團勇蔣德忠之位

本邑西區捉馬溝保衛團勇陶志乾之位

忠義 未入祠

增

高炳性剛直尚氣節嘉慶元年白蓮教匪犯境率民團堵禦時承平日久民不知兵公勉以忠義俾人人有親上死長之心與匪戰於界嶺身先士卒斃匪無算陝撫獎給有勇知方匾額以旌其功

查芳邑北鄉人性戇直尚任俠嘉道年間倉糧悉歸佃戶承領四鄉各派倉正副數人每年春放冬收倉書折扣斗級掬吞均勒各花戶賠補由是傾家蕩產者不知凡幾公與監生宋融和屢次稟請革除積弊當道未允而倉斗等貪橫更甚公瀝酒飲

商南縣志

卷八 忠義

四

西安藝林印書社代印

血曰我與宋君赴城爲民請命否則必上控公入城寓城隍廟四鄉花戶不約而來者數百人邑宰以反叛目之公遣散衆人與宋君赴京擊登聞鼓飭發回縣在路遇鳩死然邑宰吳公革除倉正副及各項陋規各花戶永無賠累之虞此道光二十六年事也嗚呼公一人捐生萬人受福非所謂舍生取義者乎

宋昌蓮字泮荷秉性嚴毅有果敢氣同治初髮匪餘黨入陝公率鄉勇守禦易危爲安八年捻匪竄商荊州將軍多督兵堵剿公又帶團助戰力竭被執不屈與姪啓發同遇害鄉人立碑以誌忠勇

郭秉鈞程達善俱練勇同治元年與賊接戰於普峪河一亡於陣

陣一受重傷死

陳忠信練勇邑獵戶也同治元年與賊接仗於捉馬溝槍斃數賊
惜衆寡不敵賊攢殺之

程運北鄉副團總同治元年三月與髮匪戰於石埡子遇害

魏廷藻邑庠生焦家原人同治元年六月遇髮匪於丹江着逃難
老幼前行隻身抗賊殺數人陷重圍被賊衆攢殺

周曰貴邑西農人同治元年三月避寇城內見賊犯西鄙義勇勃
發率十餘人出城堵禦殺一賊衆稍退猶奮不顧身窮追之被
羣賊所執斃割之

程孟潔邑庠生同治三年捻匪由漢中南竄率鄉勇堵截接仗於

商南縣志

卷八 忠義

五

西安藝林印書社代印

石埡子陣亡

田現龍邑庠生同治三年賊由竹林關沿江而下至普峪河分道
石埡子公與程孟潔率鄉勇堵之力疲亡於陣鄉勇程孟淮吳
正海等同遇害

余文會邑庠生性孝友剛方有氣節同治三年四月髮匪犯商公
未及避賊猝至索錢公大罵不屈絕五指尤罵不絕口賊怒亂
刀斷其肢體貢生王肇基憫公死於非命以詩吊之

詩詳藝文

選舉

登進人才要非一途虞闢四門而後賓興三物論秀書升尚矣賢良極諫始於漢文郡國孝廉肇自光武繼此舉文學以明經爲郎則歲舉限年茂才射策而科目悉備隋置進士科唐因之又有秀才明經明法書算之選而天子自詔者曰制舉玄宗移試禮部武后親臨殿對宋變詩賦策論使學者專治經術糊名行之淳化易書立之祥符有明取士以經義帖括而薦舉徵辟間行焉清仿其制科貢同升或博學宏詞或孝廉方正或山林隱逸用以黼黻太平俾乂民社者也邑成化十三年始析商州之南以置縣從前選舉悉列州志而置縣以後無所存考今採各志古碑落落如晨星

商南縣志

卷八 選舉

一

西安藝林印書社代印

惟確據者始載凡傳聞記憶均未敢濫列

明

主事

南 鏜成化甲辰吏部主事詳鄉賢

進士

南 鏜成化二十年甲辰進士

舉人

南 鏜成化十六年庚子舉人

李維楨嘉靖十九年庚子舉人

貢拔

李朝印嘉靖庚子科拔貢

郭純化萬曆年拔貢

吳紹泰萬曆年拔貢

歲貢

王三錫

陳汝明

曹 圯

郭景運崇禎歲貢

李遜之崇禎歲貢

李綦發明貢生

商 南 縣 志

卷八 選舉

二

西安藝林印書社代印

李天白明貢生

李維精明貢生

清

舉人

高其志順治十一年甲午科舉人

姚嘉言乾隆十三年丁卯科舉人

增

主事

吳庚揚咸豐庚申年刑部主事詳仕宦

吳 杰同治甲戌年刑部主事

進士

吳庚揚咸豐庚申年進士

吳杰同治甲戌科進士

舉人

余光祿乾隆戊子科舉人

李若馥乾隆乙卯科舉人

俞大謨乾隆己酉科舉人

朱蒨嘉慶甲子科舉人

吳庚揚咸豐己未科舉人

余光德咸豐科舉人

商南縣志

卷八 選舉

三

西安藝林印書社代印

吳杰同治庚午科舉人

副榜

田種嘉同治七年補行壬戌恩科兼甲子正科副榜

周子雲

譚詩偉

路鵬飛字紫霄光緒甲午科副魁主講青山書院

拔貢

增

吳繼賢丁酉科拔貢

馬當達己酉科拔貢

田懷錫辛酉科拔貢

吳仲雅癸酉科拔貢

楊掄棟乙酉科拔貢

王耀先字奉孝嘉慶元年拔貢

程明耀字卜商嘉慶辛酉拔貢

吳庚揚道光己酉科拔貢

宋餘慶咸豐辛酉科拔貢

潘昭德同治癸酉科拔貢主講青山書院

曹管青光緒乙酉科拔貢主講青山書院

湯治安光緒丁酉科拔貢

商南縣志

卷八 選舉

四

西安藝林印書社代印

賀龍光宣統己酉科拔貢

陳煥新宣統己酉科拔貢

歲貢

魏復秦順治初貢生詳仕宦

張灼鼎順治初歲貢

任名成順治歲貢

魏荆含康熙初歲貢

王廷簡康熙十九年歲貢

李君任康熙三十二年歲貢

吳思悌康熙四十二年歲貢

郭康圻康熙五十六年歲貢

魏廷諤雍正十二年歲貢

羅宗彥乾隆元年恩貢

王官乾隆三年歲貢

郭文蔚乾隆五年歲貢

許文傑乾隆七年歲貢

李輔世乾隆九年歲貢

王執德乾隆十一年歲貢

劉煥章乾隆十三年歲貢

增

商南縣志

卷八 選舉

五

西安藝林印書社代印

黃盤閣 杜成亮 趙成 宣述古 李懷天

張學拙 田懷清 田在天 田子傑 鄭相居

李肇陽 吳賀慶 潘漣 朱璜 張璽

潘景至 余觀光 齊先裕 祁輝祖 姚遇履

曹典謨 李輔太 熊鰲 余光裕 程文耀

高焯 朱光照 魏年 趙應試 田毓珏

田澍邦 梁晉笏 張緒慶 李蘭馨 張鄔曝

馬當雲 馬平階 馬平政 劉仁第 程宗蕃

冀廷璋 劉健麟 汪永錫 陳昌運 楊顯宗

楊光時 聶詩慶 段孝恭 馮夢周 吳賀宗

何榮魁 祁世澄 嚴雲峯 曹文熙 郝超凡

劉攀一 潘友德 宋會元 劉世任 章楷

田功 潘令德 潘翊宸 魏國慶 李耀

孟習孔 王肇基 金銘 石飛泉 王仲謙

葉重康 周南 周召棠 程式 田子瑞

趙士瑜 胡世清 楊炎 葉臚聲 王開運

王開選 劉伯森 齊以禮 何其昌 田畏天

恩貢

王煥奎 孔尙志 段秀靈 吳俊 郭正楊 曹殿杰 嚴志良

李廷珍 傅攀龍 曹鴻翥 曹耀辰 湯誥 葉芬 曹錫堂

商南縣志

卷八 選舉

六

西安藝林印書社代印

武舉

清

秦元勳康熙三十二年癸酉科舉人

張自勝康熙五十五年丁酉科舉人

曾第康熙五十九年庚子科舉人

郭孝忠康熙五十九年庚子科舉人

增

魏遴丙午科舉人

左鳴玉 舉人

陳鼎新光緒甲午科舉人

學校畢業

增

師範

曹憲章字述先清宣統元年在西安兩級師範優級選科畢業曾

充潼關初級師範教員本縣學務局長高等小學校長兼教員

黃 燦字次焜民國元年在西安兩級師範完全科畢業曾充本

縣高小校長旋委充陝西陸軍第五旅旅部書記官

曹子俊字心齋民國元年在西安兩級師範完全科畢業歷充本

縣高等小學校教員

金正熙字緝亭民國七年在陝西省立第一師範學校完全科畢

商南縣志

卷八 選舉

七

西安藝林印書社代印

業現充本邑高等小學校教員

阮恩慶字佐廷清光緒三十三年在西安師範簡易科畢業曾充

本縣高等小學校教員雒南戀莊兩等小學校教員

警察

文思安字欽齋民國元年在省高等警察學校完全科畢業曾充

商縣警察局總辦現充本縣高等小學校校長

法政

李煥文字蔚亭民國四年在陝西法政專門學校法律科畢業曾

充鎮安縣高等小學校教員

周黼廷字黻卿民國四年在陝西法政專門學校政治科畢業

實業

吳舜廷字虞卿民國二年在陝西西北大學校農科畢業
議會選舉

省議會議員

文思安字欽齋民國元年舉充第一屆議員

李煥文字蔚亭民國八年舉充第二屆議員

縣議會議員

邱仁榮字耀亭

程 蘭字久香

參事會正副會長

商南縣志

卷八 選舉

八

西安藝林印書社代印

路炳文字蔚亭

周子謙字吉臣

縣議會議員

文輝祥字明山

程 箴字福堂

賀秉璜字佩之

陳獻廷字靖卿

曹存益字友軒

余承基字培德

張林魁字星麓

楊秉鈞

以上民國元年舉充第一屆縣議員

商南縣志

卷八 選舉

九

西安藝林印書社代印

仕宦

明

邵 益河南上蔡縣知縣

南 鏜成化甲辰進士吏部主事郎中陞河南左布政使後遷南

太僕寺卿

李維禎字國典號洽溪河南孟津縣知縣陞直隸保定府通判

李朝印任山西河晉縣知縣

郭純化任四川太平縣知縣

吳紹泰任湖廣嘉禾縣知縣

王三錫歲貢任知縣

商南縣志

卷八 仕宦

西安藝林印書社代印

曹 玘歲貢任知縣

郭景運任揚州府通判

李遜之字希讓號少洲河南孟縣教諭陞湖廣襄陽府教授

陳汝明歲貢任知縣

清

高其志號用山順治甲午舉人康熙戊辰任山西夏縣知縣

魏復秦字臨楚順治初貢生河南鄧州學正丁憂補甘肅靜寧州

學正陞江南上海縣知縣

張灼鼎順治初歲貢任知州

任名成順治初歲貢任知縣

魏荆含康熙歲貢任岐山訓導

王廷簡康熙十九年歲貢考授州判告降選任江南鳳陽縣縣丞
丁憂補江西永新縣縣丞陞直隸天津長蘆都轉運鹽務使司

經歷

李君任康熙三十二年歲貢任中衛訓導

吳思悌康熙四十二年歲貢任秦安訓導

郭康圻康熙五十六年歲貢任渭南訓導

魏廷諤雍正十二年歲貢任寧州訓導

增

余光祿乾隆戊子科舉人任河南偃城調署泌陽又任涉縣後陞

商南縣志

卷八 仕宦

二

西安藝林印書社代印

裕州牧公修學校立太平倉建東龍橋填石街道德政昭著夥
不勝書壽屆七旬上憲獎贈對聯云北闕承恩有猷有守有爲
從事功作出南山羨壽得福得名得祿由德性推來公之生平
懿行於此益見

李若馥乾隆乙卯舉人中衛縣教諭

俞大模乾隆己酉舉人平樂縣知縣

吳繼賢丁酉科拔貢洛川縣教諭

杜成亮歲貢甘肅西河縣訓導

趙成歲貢鞏昌府伏羌縣訓導

張學愚字安之邑增廣生也嘉慶初白蓮教匪猖獗擾害縣治公

率鄉勇勦邑侯錢公勦滅之旋以軍功保舉選授貴州松桃直隸等廳經歷署施秉開泰錦屏等縣知縣後署丹江通判在任教士愛民政聲卓著解組時士民留烏以資觀感居官數十年兩袖清風足見其清廉云

宣述古優貢歷任正寧縣定遠廳訓導

李懷天歲貢沔縣訓導

田懷清增貢軍機議敘州同任湖北隋州仙桃鎮分州

吳庚揚字西峯弟慶揚字雲卿均邑之名士也西峯少失恃家貧無資嘗燃薪苦誦夜以繼日入泮後旋食廩膳久困秋闈屢試不售道光己酉科得選拔咸豐己未科舉於鄉明年會試賜進

商南縣志

出身

卷八 仕宦

三

西安藝林印書社代印

士及第欽點刑部主政籤分福建知縣歷任甌甯南靖侯官詔安等縣雲卿妙年入泮同治庚午科舉於鄉甲戌賜進士及第亦欽點刑部主政籤分江西省知縣歷任新淦峽江東鄉樂平弋陽等縣昆仲居官皆清廉寡慾勤政愛民所任各縣均卓著政聲解組後士民多爲立碑記其功德以誌不忘二公在任時凡親族至署皆多給金錢以爲資助孤貧者嘗以廉俸賑濟之西峯性坦定而果於行政民有鳴冤者立判之不待信宿有大疑難從容擘畫若無事然雲卿氣度溫雅語言有鄧艾周昌之憾然讀書判案則敏捷異常所謂微瑕不足累大德也同治初髮逆入境西峯丁父艱返梓偕慶揚在富水關首倡團練內憂

外侮賴二公併力籌畫居民保全者以千萬計復創修龍福興
隆二寨作避處俾鄉民得以有恃無恐後賊由漢中返邑東之
民無一遇害者皆二公防堵之力也

著作詳藝文

曹文熙字典慶一字春臺少從傅雅三先生遊天資卓越下筆成
章食廩餼後受業關中路潤生先生門下斂才就範著名秦隴
間咸豐初粵匪寇鄂商人以邑界毗連恐受影響舉公爲團練
長公募壯士修戰具教止伐布置皆有條理賊知有備終不敢
犯邑宰趙繼芬及委員李德鍾嘉其才學詳請撫憲咨部特授
邠州訓導邠人士深得陶鑄之力同治初回酋白吉元寇邠刺
史與公固守邠城明年冬大將軍多隆阿遣總戎督兵剿殄獲

商南縣志

卷八 仕宦

四

西安藝林印書社代印

虜婦數百公以仁義說總戎釋令歸籍總戎曹夙器公保舉二
尹會部咨下公積勞成疾卒於邠州學署邠人伐石勒碑頌功

德於不朽

碑序詳藝文

田子傑軍功商協中營經制外委

田雲天國學由糧臺保欽賜五品藍翎

田在天由文案保舉甘肅卽用州同

朱 蒨嘉慶甲子科舉人候銓知縣

鄭相居候補州同

潘大康增生軍功滎陽縣典史

潘世昌南部縣巡檢

潘承裕軍機處未入流

潘賢關貽贈修職郎

潘大體貽贈修職郎

李肇陽附貢候補州同

吳賀慶候補州同

潘 漣廩貢榆林訓導

朱 璜歲貢鞏昌府訓導

張 璽字佩符號盈祖原任蘇州照磨廳

潘景至宗人府議敘

余觀光歲貢欽賜鄉飲大賓

商南縣志

卷八 仕宦

五

西安藝林印書社代印

齊先裕浙江糧河廳主部

祁輝祖歲貢歷任隆德昌吉兩縣訓導

姚遇履廩貢任甘州府綏來縣訓導

劉茂誠任甘肅

汪世珍歲貢任長安富平訓導

聞本乾任四川省都司

田種嘉副貢任麟遊縣訓導

蘭 林雒南城守營把總

宋餘慶字福堂咸豐辛酉科拔貢歷任膚施甘泉延川等縣儒學

初公居鄉時家奇貧朝夕饔飧幾不自給然抱道自重終不乞

憐親友鄉人有鬥毆者力排解之有爭訟者多方勸止不使終訟蓋公性和平持身接物有忠厚長者風故至今鄉人猶稱道焉

文輝祥字明山原籍江西寄籍本邑清授武顯將軍花翎參將借補青山營守備光緒六年任防堵嚴密凡有盜賊必親率兵士緝拏鄂豫秦三省紳民公送德政牌匾旗傘甚夥青山鎮並立有除暴安良恩威允濟石碑二座歷任以來施棺木捨丸散給寒衣以濟無告窮民數十餘年善舉不一而足公生子三長子思安由邑庠入西安高等警察專門學校畢業前選舉省議員現充縣高等小學校校長孫輩皆俊秀羣以爲忠善之報尙未

商南縣志

卷八 仕宦

六

西安藝林印書社代印

艾云

賀龍光字雲岑宣統己酉科拔貢分發四川州判民國六年辦四川福順縣鄧關鹽務鹽運七年署中江縣鹽場知事

陳煥新宣統己酉科拔貢籤分四川州判